

MG  
7269.6  
8

又我亦聯語

羅正緯著述之八

連華金署莊文



3 1774 3881 3

# 羅正緯徵集近三十年人物之事蹟

正緯擬著「近三十年人物志」一書所有事蹟極貴翔實現著「現代人物之批評」往往事實未詳頗感困難刻正設法調查以期徵信茲著「近三十年人物志」範圍既廣搜集宜多凡有關於學術政治人物之事蹟足資稱述者或經其人之親友介紹或由其人之子弟表彰均請 惠寄北京西城太平橋南口五十八號毋任歡迎

羅正緯再拜謹啟

## 又我齋叢書八種

(羅正緯著述之一)

### 古訓精義類鈔

本書係少時讀書隨手摘鈔分爲學府政治倫理掌故等十餘類並略加按語歷時既久積稿盈尺刻擬整理付印願足以俱研究國學之參考也

(羅正緯著述之二)

### 學道觀要


(目錄) 原學 原道 原鬼神 原命 原性 原人

(羅正緯著述之三)

### 文化概論

(原名) 東方文化(甲)中國系(乙)印度系(丙)中國系和印度系的比較(二)東方文化和現在中國的關係(三)東方文化

和世界的關係





北京圖書館藏

乙丑冬十

一月十四

日攝於都

門時年四

十二歲病

初愈也

又我齋

自記

抱膝隱書齋說禮敦詩我欲克承家學

拋鑑娛翰墨怡情養性天猶未喪斯文

不佞幼稟 先大人之教今古羣籍搜讀頗勤及冠人校舊業荒捐科學滋繁亦未入室  
壯年從政一本血氣之勇謬欲有以自建出入憂患危亦屢矣近歲瞻念時艱四方奔走  
力瘁心勞是亦不得已也第以人溺方深學崩欲絕回首蒼茫勝憫憫今茲之病亦非  
偶然來軫方適責任無已幸軀健在吾又何敢暇逸乎哉謹題此聯以明吾志閱者得毋  
以爲狂乎吾唯任人之觀感而已乙丑冬節日涵原自題并跋

又我齋聯語集叙

世界有文字國其文學家必有詩歌論說載之篇章無中外一也而創爲聲律對偶儷青妃白之文則采用倉頡書體國所僅見采用倉頡書體國若日本若朝鮮若越南若琉球亘亞東陸海數萬里所在皆是而取聲律對偶法揭聯語於楹端或寫風懷或當箴銘又爲吾華民族之獨有吾華之有此體創自誰氏今亦莫得而考其發現大抵在明時嘉靖後王陽明史道隣手蹟今日收藏家往往而有第其初不過一二文人偶興所至善書者不必人人爲之以董華亭陳眉公之工書世未有傳其楹帖真蹟者是其證矣有清一代此風大盛臨池之士如劉石庵王夢樓梁山舟何蠲叟輩生平所爲書無慮數千百幅王何二氏皆常集古人詩詞成語及右軍禊帖平原爭座位稿字輯爲巾箱秘本以應世人咄嗟之求造語奇崛往往出人言表傳世之廣亦其文詞使然非徒以書筆美也吾友湘潭羅達存君究心經世之學蘄有以自効當時未嘗沾沾爲文

人染翰之習而才思勃茂偶然吐詞多錘鍊精湛之語歲乙丑于役張垣爲邊帥任演講訓俗事勞而病病而危危而復愈其病中多暇撰楹帖百首出以見示詞意警闢如箴如頌蓋經歷憂患閱世有得可以坐言可以起行之詞非游心藝事取娛文讌者所可擬達存取其一聯寄紙屬書余自五臺歸以六月眠熱坑故病臂累月腕弱不能書第展玩君集流連竟夕爲書其感想並以此歸之語云贈人以善不若贈人以言達存持此冊以贈宇內親知其功德不減恒沙七寶持用佈施異時余臂稍痊終當爲君呈拙一揮秃管也民國乙丑冬日瓠塘退士廖名縉書於京師西城憶春瀕室

又我齋聯語集緣起

乙丑夏余客張垣適滬案發官紳會於商會共籌策劃余言過久因此嬰病幾不治自夏徂冬輾轉簞褥今幸徐徐愈矣追懷既往儼若再世還念後來彌深警惕迺名其齋曰又我齋志不忘也旬日以來養病之暇偶撰聯語百首置諸座右以當藥石並示子弟俾知有所皈依而已客見之遂請於余曰子病既以此爲藥石矣方今八表同昏亦與子同病盍不以醫子病之術轉以醫人之病耶余笑而應之曰吾自醫愚不足奈何以醫人雖然是乃仁術也吾從子之請矣客退遂編輯如此世之覽者幸有以教之冬十月十日湘潭羅正繹識於都門

又我嶺南集



學道愛人愛人必恕恕必多  
寡欲養心養心却病病却延年  
想做聖賢卽多欲

妄分真假便成癡

處世要和平須帶十分圓意  
居心常坦蕩能收萬衆同情

至樂要從憂患得

極貧纔見性情高

河海精神山嶽志氣

英雄肝膽菩薩心腸

壯氣駕凌衡嶽頂

寬懷灑落洞庭波

雙肩擔正學

隻手挽狂瀾

文章豈爲功名重

學術須由性理尊

運應現代政治機宜準今酌古

發皇先哲學術遺業繼往開來

立脚不隨流俗轉

居心期與古人齊

外貌恭莊內心和樂

待人忠厚律己嚴明

要忍耐時須忍耐

得安閒處且安閒

作文貴在義理中覓佳句

交友須於淡泊處見至誠

正氣一伸百魔懾服

丹心九轉萬感靈通

莫到過時思諍友

且將高處讓明人

寧有一筐土氣

要無半點俗塵

常讀義理文端品性勵志氣

閒遊山水地長興趣擴襟懷

夜闌自訟仍多悔

日昃雖勞莫健忘

戒色戒門戒得

立德立功立言

講學宜紹濂溪船山二先生而去其孤傲  
治事須法湘鄉益陽兩前輩并加以恢弘  
爲政師管葛

治心法陸王

讀書果善剪裁自能博取衆長獨成學說  
爲人祇須誠恪終當獲得佳會大展謨猷  
讀經能識艱深味

悟道方知義理真

明鏡置堂中無微不見

漏舟過山峽履險如夷

禮正宜事從俗

富潤屋德潤身

處憂患足以見友之交情規己之品性

在權位不可挾嫌而報怨怙勢而驕淫

莫到適時嗟皓首

當知努力趁青年

溫故知新自饒樂趣

改過遷善足徵勇謀

真病方投藥

善刀勿露鉞

筆寫數千言倚馬可待

鵬飛九萬里刮目相看

舞劍強軀幹

揮琴治性情

明察及秋毫人莫敢侮

德澤同春雨誰弗傾誠

爲文最忌裝腔作態

講學切莫別戶分門

夜半讀書酣明月婆婆陪我坐

日間草檄罷快馬馳驅殺賊還

閱世勿循今日錯

讀書莫被古人欺

日月麗天物來自照

肺肝在臆人不我欺

眼界放開天地闊

心田留與子孫耕

學文要超越韓柳歐蘇以上

論理須融會程朱陸王之間

逆情且耐眼前苦

倒蔗還齏啖後甜

究竟實在那裡祇須澈悟大空便是登來彼岸

甚麼叫做幻境若能化滅諸相當然證到真如

大智若愚大勇若怯

同聲相應同氣相求

養到心中無滯礙

怕留身外有虛榮

籽樹越千尋由小而大

隻手扛九鼎舉重若輕

世用尊儒墨

藏身學老莊

居崎嶇峻嶺中觀瀑布聽松濤別有雅境

在大雄寶殿上誦華嚴參頂禮了無俗塵

觀二王書如餐珠玉味

讀兩都賦若作金石聲

鐵漢陶成知已少

竹書讀破誤人多

苦難衆生仗誰度過

莊嚴世界任我爲之

讀書怕成蛀書蠹

好古莫爲泥古癡

香滿我亦蘭對酒當歌飛劍舞

梅濃天欲雪踏屐常看放鶴回

展足南溟遊心樂地

放眼北極俯視羣流

天地有正氣

園林無俗情

作人貴平易若使學力純深山林朝市如此富貴貧賤如此死生常變亦如此  
成名重實踐果然德行完滿父母昆弟稱之鄉黨朋友稱之邦國士庶共稱之  
淺學豈能躋高位

多才切莫負華年

忍嗜慾苦筋力

節飲食慎語言

羞重黃金訂蘭友

誼深白首話桑田

色裏伏生滅

空中納有無

老曰無釋曰空說從澈底研求原非二法

孔尚仁墨尚愛論到經世致用終是一途

讀書知過心滋歛

爲善圖報性猶貪

相人無二法看他處理父子兄弟之間便知根底

克己惟一禮注意修持視聽言動以內自有端倪

得失太嚴成孤敵  
面目長留見故人  
誠篤肩大事  
明察腹衆才  
熟讀漢文千百卷  
擊破秦磚萬里城  
瀟灑書齋明月清風來几席  
陸離庭院奇花寶樹陰窗簾  
閱歷多容量大  
學問深意氣平  
英雄成大業  
賓客聚多材

又我齋聯語集

愛讀魏晉文貴而不矜華而不豔  
願結金蘭友憂可與共樂可與同

嗜慾莫嫌嗇

作善不妨貪

多學便嘗少學苦

出世方知入世難

幸有硬鐵肩擔當大事

愧無點石術廣濟羣生

謀國以忠交友以信

養廉惟儉補拙惟勤

學問未曾研得失

閒談切戒有雌黃

學術本無異同若從原理看來由歧而一事功那有成敗祇依正義做去雖毀猶榮  
作事膽宜大心宜小

處世智欲圓行欲方

大菲郭子儀一生身名俱泰

純孝穎考叔片言人已兩全

國亂思良將

家貧望有秋

勇猛精進成大業

從容展布鎮危疑

浮海起狂波願借慈航來普渡

揮毫伐強虜橫飛軍陣奏榮回

又我齋聯語集

每日談棋猶是神仙雅趣

間時栽竹莫非名士高風

臨陣亦從容足証平時真學富

退官尙岑寂可知囊底極清貧

晚歲徵操節

深冬識苦寒

敬佛香濃仍着味

殘花雨打亦傷仁

佳句寫心思真神如畫

奇花置左右秀色可餐

凝寒雲湧梅爭色

叱咤聲回劍亦鳴

與人利害衝突時須當讓開一步  
到已艱難困苦處祇宜寬想十分  
看靖點水文更俏

觀指挑鎗字亦神

春日看花喜得初葩含半吐

秋天遊嶺愛瞻羣雁競高飛

漫言後進虧先進

做到今人勝古人

讀三王畫神遊山水地逸興勃起

聽七絃琴感發音樂味俗慮消沉

聞雞起舞星方爛

聽雀催春夢亦殘

燃犀照肝膽

乘風破浪濤

千鈞柱石莫嫌重

萬仞宮牆勿憚高

海畔常臨喜約清風迎暑去

山畦久坐食看明月送光來

舉杯思舊雨

對月寫新詞

淑氣溢門庭父子和兄弟睦

祥花滿園圃賓客至鸞鵲翔

才偉招人忌

花隆致蜜災

處家庭骨肉之間最宜渾厚  
在邦國人民以上必要精明  
有因當然有果

立己尤須立人

眼界放開橫看大地羣倫品類是千千萬萬  
心腔迴溯縱數往古先哲至聖唯二二三三  
舌鋒出至誠四坐感動  
眼簾入佳句一往情深

又我齋集

跋

吾友黃申甫路金城兩君近歲各集唐宋詩句數百聯其膈合之巧對偶之工有若天造地設者然吾玩之愛之而獨惜其以有用之心置之無用之地廢時濫日君子所不暇爲者黃君則謂時至今日目之所見耳之所聞無可以寄吾心者古之人生營末世往往假一事以爲寄心之地若詩歌若書畫若醫若卜其以是爲寄卽韓子所謂有託而逃焉者也吾之所爲亦若是而已矣頃者羅君達存手其又我齋聯語見示自謂病中所爲大抵皆陶冶性情以讀書有得之言自藥其病者積之既久所撰日富所病亦日瘥夫病外也性情內也善治其內則病之自外爍者自消退而不自知以視兩君之所爲寄其心者蓋更有其進也今天下之病亟矣安得如君之陶冶性情爲天下一藥之也

乙丑嘉平月新城王樹枏跋于燕市之陶廬

書又我齋聯語集後

自靈樞玉版傳世海上禁方爭藏肘後而未聞能以讀書爲藥餌者然其理固自有在也藥石之靈養在一身詩書之教養在一心百病皆根於心而后身從之湘潭羅君達存因感觸時事發言過多嬰病半載幾於不起自夏徂冬閉門絕客讀書自養幸占勿藥病中撰聯百首懸諸座右自爲針砭或勸其刻贈同輩蓋欲以醫己者醫人是仁術也昔傳呂東萊初婚彌月撰博議一書其持論探擿微意精刻無餘望而知爲少年騁才之作羅君以病久餘生痛定思痛以聖賢之旨通仙佛之微讀其詞皆深自警惕宣尼所謂躬自厚而薄責於人也大抵文章之傳生於憂患西伯非羗里之囚不能衍易龍門無蠶室之辱不能述史然則德慧術智之成於疾疾者古今人不其相遠哉

乙丑冬十一月小雪後五日衡山陳嘉言讀於春明太平橋又我齋重題  
時年七十有五

又我齋聯語集書後

養光識羅達存先生於京華談論之間知其爲名下士而尙未窺其學之所至本年秋同商國政建閣議於一堂聞達存先生之論者咸爲之折服遇極難問題得達存先生片言而決養光於以知達公之學體用皆備者也而尙未知其道之所源日者達公以所題聯語示我浣讀再三迴知其道原於曾子而祖歸藏者也嗟嗟時至今日學絕道喪士大夫莫知所歸若達公者雖駢聯小品病後片言尙足以令人溯其道統之所在雖不謂之君子其可得乎

又我齋主達存先生教正弟彭養光言

又我齋聯語集書後

達存吾兄以又我齋聯語集見示讀之感歎不置達存一病幾殆竟能於調攝之餘以此自遣且多見道語其進德可知矣人窮則返本疾病則思其父母聖賢學問英雄事業大抵皆從顛連困苦中得之達存數月以來時爲病擾幾與世緣隔絕因病思靜因靜生悟吾知其必有大造於今之世區區一聯一語其

緒餘耳鑪火新烘硯冰初釋書此用博一粲

乙丑冬日士貞周渤

跋又我齋聯語集

余與達存友善自少同學以至於今越二十年達存家氏學行知之詳矣湘潭羅氏久爲吾湘望族人文蔚起代不乏人達存遠祖斗囊先生著作之富與船山埒明社既屋遁隱蒙泉精舍臨卒命家人悉焚其書遺箸故不得傳至慎齋先生以宋學鳴掌教嶽麓書院四十餘年士習端正冠絕一時而卒孕育吾湘咸同人才之盛同時雲皐碧泉諸先生亦有聲於世其後研究生先生繼起適丁咸同之際吾湘時有十大名士之目研老其一也研究生冢嗣伯宜先生爲文正高弟殉難貴州論者謂其才在文忠以上惜其不壽而名不彰爾時達存尊翁飲功先生隨同研老講學於長沙荷花精舍聲譽之隆亦與伯宜先生相若晚近順循先生以學問經濟著稱名相爭相招致項城督直倚畀甚殷項城罷免

順老亦棄官歸里項城復起迭召不至其高潔可風賢於當時士大夫矣達存以敏慧之姿長於詩書世宦之家識見固越尋常遠甚而尤足多者蓋在堅苦卓絕血性過人平日論政每多燭見先機獨持正義不親權以干祿不阿世以取容故雖遭凶遇變甘之若飴若使達存折節迎時殆久非安貧樂道之士矣達存之學出入百家獨能融會貫通採取實用之說成立一家之言精粹警闢多發前人所未發今讀病後所撰之聯其閱世之深學力之厚志趣之高才思之奇文詞之雅何可多得當茲人欲橫流之頃得二三聯語而觸目驚心終身服膺不盡矧數及百耶亦前人所未有者也於此並足以徵達存不以憂患困頓而綏其氣來日方長前途尙遠天若與中國達存終能本其所學而售其志余願與達存共勉之

共和十五年元旦歐復修跋於都門莽蒼齋

百聯才思百篇同斯世猶能見此翁向後有人知又我從今莫謂病無功杜公  
詩句愁盈腹韓子文章道未窮筆陣是誰爲老將推君旗鼓作先鋒

又我齋主人以百篇聯語見示再讀書後齊璜

百衲禪衣十斛珠落雕妙手近何如中興諸老推曾李此事原知貴讀書

當時

催湘鄉曾文正平江李  
次青方伯最工聯語

又我先生和正毓華拜稿

北胡南越頻年走幾度相逢認劫灰小別漸驚雙鬢改尺書頓使好懷開五噫  
愧我無長策三語輸君是逸才一自袁安高臥後到門未敢叩柴扉

可是維摩病後身也應厭作五侯賓生涯到處餘肝膽人事隨時有屈伸晤澈  
萬緣開大智培成盛德養全神從今綺語都須識記取菩提證淨因

涵原兄以又我齋聯語屬題周鼈山未是草乙丑冬日

此是借瑣耗奇法小游戲耳大典型通人識小聊爲樂願盼中有風與霆

東塗西抹尋常有光影猶存急網羅  
各悔高名動寥廓側身天地我蹉跎

集定齋句奉題達存先生大著聯語集萍鄉葉先圻

橫飛筆陣看心胸山嶽精神湖海熟讀漢文千百卷  
陶寫英雄肝膽韓柳歐蘇  
程朱王陸正學雙肩擔如餐珠玉眼前佳句留覽想見對酒當歌聲同金石倚  
馬千言待明月婆娑陪我坐世界莊嚴自在繼往開來準今酌古隻手狂瀾挽  
情深一往襟懷如許冲澹

中華民國十五年一月題又我齋主人聯語集調寄百字令黃郛

玉罄聲聲澈

金鈴箇箇圓

達存兄聯語集乙丑冬月王揖唐

又我齋徵集今人書畫啟

正緯 新病初痊寄情書畫廣徵名翰薈集大觀結筆墨之姻緣存學藝之興趣  
茲雖雅事亦足考文敬懇海內

法家惠賜珠璣共襄盛舉并擬壽諸佳石以期傳之百年斯文未墜國粹猶存  
行見貴同拱璧珍若三希者矣謹約左言伏乞

垂鑒

羅正緯再拜謹啟

(一)懇賜又我齋聯語集題詞文體不拘紙幅約在一尺以內

(二)懇書又我齋聯語一幅紙幅大小不拘

(三)懇書直條一張以本人所作詩文爲最佳紙幅長約四尺寬約一尺

(四)賜畫人物山水花卉不拘紙幅大小不拘

(五)賜稱上款或呼達存或呼涵原或呼又我齋主均可

(六)賜件請寄北京西城太平橋南口五十八號(電話西局四八五)交又我

又我齋聯語集

齋徵集今人書畫事務處

(一)徵集完成後擬在適當地點公开展覽并請法家鑒定先用珂羅版印訂  
整册名曰又我齋今人書畫集承賜書畫者奉寄全部

(羅正緯著述之四)

### 涵原學言

本書內容如『東方文化學社宣言』『讀經評議』『佛學與其他人生應用之關係』『哲學與科學之二面觀』今後進化之趨勢及其關於應用學之文類屬之

(羅正緯著述之五)

### 涵原政言

本書內容如衆議院各提案善後會議法律提案關於華府會議外交文件關於整理財政文件關於解釋法律文件及其他論政之文類屬之

(羅正緯著述之六)

### 涵原雜著

本書內容如讀書劄記小說詩歌等類屬之

(羅正緯著述之七)

### 現代人物之批評

本書搜集現代人物凡百餘人以溫人之文字作公正之批評本意誠期衆人閱之戒至誠不復計也

(羅正緯著述之八)

### 又我齋聯語集

版權所有

### 發行所

北京西城太平橋南四口五十八號電話

本集定價大洋二角  
可用郵票代購

